


歷代 日記叢鈔



學苑出版社

歷代日記叢鈔

第七五冊

奴才都興阿跪

奏爲查勘

陵寢要工緣由請

旨簡派大臣查估興修恭摺奏

聞仰祈

聖鑒事竊據

福陵掌關防常陞報稱

碑樓工程現有緊要情形呈請查勘前來

奴才當卽咨行

盛京工部選派熟諳工程司員等覆加詳勘去後茲

准該部咨稱據本部派出司員等前往敬謹查勘

得

碑樓正脊劈倒吻獸脫落損壞銅鉤銅練損壞頭停上下
二層琉璃瓦片多有破碎銅帽脫落不全四角岔
脊歪閃亦有損壞飛檐椽望斲朽墜落仔角梁斲
朽油飾彩畫爆落樓門銅絲網罩損壞不露明處
恐亦有斲朽處所一切情形甚屬較重與原報相
符惟查此項工程向係

欽工修理本部並無辦過估修成案碍難核估等因咨

覆前來

奴才

隨帶領司員親詣工次覆勘無異查

此工曾於嘉慶二十一年間經欽工修理已逾保

固限外惟

碑樓係安奉

神功聖位碑正座工程最關緊要亟應先行奏明請

旨簡派大臣帶同工部熟諳工程司員前來敬謹查估

應否興修之處恭候

欽定所有

奴才

查勘要工請

派大臣查估緣由理合恭摺具

奏伏祈

皇上聖鑒訓示遵行謹

奏同治六年二月二十六日內閣奉

上諭都興阿奏

福陵

碑樓工程請派員查估興修一摺著派毓祿前往

盛京會同桂清敬謹查估欽此

同治六年四月十三日內閣奉

上諭工部左侍郎毓祿奏病難速痊懇請開缺一摺毓

祿著准其開缺調理其查勘盛京

福陵工程著改派潘祖蔭前往敬謹查勘欽此

跪 單銜

奏爲奏

聞請

旨事竊臣准工部咨稱同治六年二月二十六日內閣

奉

上諭都興阿奏

福陵

碑樓工程請派員查估興修一摺著派毓祿前往盛京會同桂清敬謹查估欽此嗣於四月十三日內閣奉
上諭盛京

福陵工程著改派潘祖蔭前往敬謹查勘等因欽此欽遵
移咨前來臣謹遵於四月二十三日束裝起程率

同司員前往敬謹查勘理合恭摺奏

聞伏乞

訓示遵行謹

奏

再臣循例揀派工部郎中長潤主事吳景萱隨帶
書吏前往同於二十三日
起程查歷屆出關由兵
部給發口票進關請用

盛京內務府佐領圖票往返查驗在案理合奏明伏
候

命下臣卽行文各衙門遵照辦理謹附片奏

聞謹

奏同治六年四月二十日具奏奉

旨知道了欽此

跪 雙銜

奏爲遵

旨敬謹查勘

福陵

碑樓工程恭摺仰祈

聖鑒事竊 臣 潘祖蔭於四月二十日請

訓二十三日率同司員等由京起程五月初八日行抵

盛京恭詣

福陵

昭陵行禮後卽會同

臣

桂清敬謹查勘得

福陵

碑樓一座重檐四面各顯三間正脊劈倒頭停滲漏角梁
椽望黦朽吻獸瓦片破碎俱多脫落銅幪損壞踏
蹂座台閃卸磚石間有酥城謹擬拆修座台踏蹂
選用石料八成糙磚五成細磚換新揭窰頭停油
畫見新大脊正吻勾滴添新脊瓦料件換新五成
修理其不露明處所俟承修大臣拆卸時如續有

情形卽由該大臣酌量奏明辦理所有臣等會同
敬謹查勘緣由理合據實奏

聞伏候

命下卽將應修做法清冊移咨工部核算錢糧奏請

欽派承修再臣潘祖蔭於拜摺後卽率同司員等起程

回京合併聲明爲此謹

奏

瀋陽紀程

吳 潘祖蔭

同治六年四月二十三日丙午辰刻行食雙橋宿燕郊西
刻壽峰碩卿到蔣芝庭來託寄信

出都東長壽峰吳碩卿兩水部

橋山石馬汗猶新千里關山百戰塵自是春陵鍾王氣
從知遼水出 真人兩家羣紀風原古幾輩倂般技入
神熟讀攷工知有法漫將鞅掌說勞薪

二十四日丁未寅刻行巳刻食段家嶺申刻宿別山鎮屬
薊州計行一百四十里

二十五日戊申寅刻行巳刻食玉田四十里至沙流河又四十里至豐潤計行一百三十里時申刻沽酒同壽峰碩卿飲

二十六日己酉寅刻行巳刻食榛子鎮五十里至沙河驛又二十里至野雞坨計行一百二十里時申刻地屬遷安過沙河後車行甚遲烈日炎風憊甚榛子鎮屬灤州

二十七日庚戌寅刻行巳刻食永平府三十五里雙望屬盧龍三十五里撫甯縣風沙眯目殊不可耐申刻到店發家稟交錢大令小巖計行一百十里

二十八日辛亥寅刻行巳刻深河驛食屬撫甯申刻到山

海關拜長樂初都護成竹坪稅使俊至堂觀察俱來店寓
晤張星煒大令 慶奎 來風頗冷長都護在店寓請

聖安發家稟交樂初遣人答張大令

二十九日壬子卯初行出山海關自樂初都護以下均送
至東關城樓顏曰天下第一關辰刻老君屯食至中前所
西路緝捕委員甯遠正紅旗佐領李國文來見未刻宿前
屯衛望夫臺在前屯衛城西南七十里姜女墓在老君屯
正南入海一里許

聖祖聖製詩朝朝海上望夫還留得荒祠半仞山多少征
人埋白骨獨將大節說紅顏計行七十七里中前所駐防

鑲藍正藍二旗兵二百名佐領一驍騎校二屬甯遠州竟
日陰雲密布晚雷電雨作行人不能不慮中前所以兵七
人護送食魚甚美

山海關

草色連雲古戰場漫從勝國論邊防北來地勢橫元菟
西去河聲走白狼阜帽遼東空一榻青山華表幾斜陽
闌風伏雨無聊甚行客先秋髻已霜

前屯衛夜雨

行行極目盡平蕪且向山村薄酒沽夜雨廉纖人不寐

卧聽羸馬斃殘芻

宋人句

五月朔癸丑寅刻行五十里食中後所甯遠何刺史

煥經

遣人接至望海店五十里沙河所宿中後所駐防鑲白鑲紅二旗有巡檢一掌路記佐領覺羅額爾精額來見沙河所李國文來見甯遠州城西六十里有鷹窩山曲尺河自山東發源東關驛河從山西發源計行一百里

初二日甲寅寅刻行三十里甯遠州食何耕畚刺史出迎到店見並送至八里外曹莊驛河自龍灣背東發源東南流遶曹莊西遂南入海州東三十里雙樹堡河自礪子山發源東南流遶茨兒山入海城東一里有湯沙河或呼姜女河城西爲女兒河環城合流入海未初連山茶憩屬錦